

經部

也天下之動貞夫一者也夫戴確然示人易矣夫坤隤 凶者貞勝者也天地之道貞觀者也日月之道貞明者 者生乎動者也剛柔者立本者也變通者趣時者也吉 欽定四庫全書 推變在其中矣繫辭馬而命之動在其中矣吉凶悔吝 繫辭下傳 八卦成列象在其中矣因而重之爻在其中矣剛柔相 用易詳解卷十五 日易洋洋 宋 李杷 撰

動乎内古凶見乎外功業見乎變聖人之情見乎辭 然示人簡矣及也者效此者也象也者像此者也及象 備矣一剛一柔相推而无窮而卦爻之變由是而顯 其列而天地山澤水火雷風之象由是而形矣八卦 而著矣吉凶悔吝是四者因卦及之動而後生者也 矣因其有卦爻之變而繫之以辭而吉凶之動由是 各有三爻重之以為六爻而六十四卦之爻由是而 **乾一名二離三震四巽五坎六艮七坤八八卦各居** 

**鉱定匹庫全書** 

卷1 五 火足四重色 而示人以易坤喷然其順而示人以簡天地之道无 贞则吉不得其贞则凶是以贞勝者也乾確然其健 變而不窮且自其體而觀之則其道以貞為本貞者 理之常然者也故吉凶雖不同而以貞為滕盖得其 位之時是易之用也易之體一定而不易易之用萬 分剛柔以立一卦之本是易之體也極變通以趣六 之用同其憂患之意也夫易之為書有體馬有用馬 動之間吉居其一凶悔吝居其三聖人所以前民 用易詳解

坤本示人以易簡 而易之爻象皆有以效而像之此 聖人開物成務之功業皆因時變而後顯而聖人作 **象一動乎著卦之内而吉凶自應之于著卦之外凡** 易之體所以一定而不易者也自其用而言之則义 易憂世之至情亦因于辭而後著 此易之用所以變 然終歸于一理而已是天下之動貞夫一者也故乾 差成是日月之道以貞明者也天下萬變雖不可窮 過乎易簡是以貞觀者也日月運行一寒一暑而不 **飲定四車全書** 以聚入曰財理財正辭禁民為非曰義 天地之大徳曰生聖人之大寶曰位何以守位曰仁何 泛濫而无主惟其有變通隨時之用故不至滯礙而 天地之徳不過曰生而已而聖人則既有所謂位又 自非聖人窮理之妙夫孰能知其所以然哉 天地聖人一也天地之生聖人之仁无異用也然論 不通體以示其常用以明其變而易之道无餘瘟矣 通而无窮者也夫惟其有 剛柔立本之體故不至于 用易詳解

為非而使之不踰分而又有義存馬聖人應世之法 惠故聚之以財理財之道正名而使之不妄取禁民 徳生之外不容贅也而聖人則既有是大寶之位則 為而應世故其道非一言而足是故天地以生物為 **裁盖天地无為而成化故其德可一言而盡聖人有** 至此是豈容有一毫不盡者乎天地无為故其道簡 不可无以守之故守以仁仁以爱人而非財則為徒 有所謂仁既有所謂財又有所謂義抑何其多事也

作八卦以通神明之徳以類萬物之情 地觀鳥獸之文與地之宜近取諸身遠取諸物於是始 古者包樣氏之王天下也仰則觀象於天俯則觀法於 くろうシュー 易始于伏義非謂伏養之前果无易也天地肇判易 地即无為之聖人是豈可以差殊觀之哉 且易聖人有為故其道盡而詳其煩簡雖不同而其 于好生之德則一而已矣聖人即有為之天地而天 此章言卦爻變通造化功業之大皆本諸 易 用易詳解

**金贝四届全書** 有八卦之理伏義獨能因而模寫之爾而說者乃謂 卦為伏義之所作而不知其本无作也盖天地問自 益惟其能先天下之所未見而開其端此後世謂八 作之前易理初无虧減伏羲既作之後易理亦无增 宜在物與我有自然之理伏義特觀而取之而八卦 於是乎作是宣有一毫私意加於其問哉故伏義未 地有自然之法在鳥獸有自然之文在地有自然之 理已具特未有以發其端爾故在天有自然之象在

てき 丁二 とれず 也八卦未畫而八卦之理已具六十四卦未重而六 農耒耜之利盖取諸益遂謂六十四卦在伏義之時 作在伏羲以為贅矣而况肯自重之乎後世徒見神 伏羲作八卦則自重之為六十四卦而不知八卦之 易无所用其私矣 之而後著也耶學者觀其理之自然則知聖人之作 十四卦之理已具乎其中是豈必待盡之而後顯重 已有之而不知所以 取諸益者非取其卦也取其理 月易詳解

教天下盖取諸益 包樣氏沒神農氏作對木為耜揉木為耒耒耨之利以 作結繩而為罔罟以佃以漁盖取諸離 有大于農功者乎神農教民稼穑而萬世資生養之 也陽則斷之陰則樣之此耒耜之象也天下之益孰 上巽下震巽木也而震亦為木震木陽木也巽陰木 兩目相承而物得其所麗故四流之象有取于離 傳曰舉其綱衆目張離為目兩目相承罔罟之象也

金分四月至書

次定四重全書-神農氏沒黃帝堯舜氏作通其變使民不倦神而化之 所益取諸噬嗑 日中為市致天下之民聚天下之貨交易而退各得其 此噬嗑之義也夫嗑者合也市之所聚合異而為同 離為日中而震有變動之象故日中為市懋遷有无 利故取諸益 况獄市 姦人之所容亦貴乎有以噬而嗑之故取諸 川易詳解

使民宜之易窮則變變則通通則久是以自天祐之吉 无不利黄帝克舜垂衣裳而天下治益取諸乾坤 繪宗奏藻火粉米黼黻稀編是衣裳之制自黃帝弄 堯有黃收純衣之服舜亦觀古人之象山龍華蟲作 天下愛而通之以適一時之宜故制作之事開物成 務愈詳愈顯益變通無窮者易之道而能與變俱者 舜始也黄帝之前天下朴畧无文三聖人者作始與 上衣下裳乾坤之象也史記黃帝為文章以表貴賤

服牛乘馬引重致遠以利天下盖取諸隨 刻木為舟則木為楫舟楫之利以濟不通致遠以利天 火足四車全馬 下葢取諸浜 木有功所謂有功者其以濟不通致遠以利天下者 聖人用易之神也 震之初九變為坤而坤為牛震亦有為馬之象上說 乎故曰若濟巨川用汝作舟楫 以巽木而居坎水之上舟楫之象也故其卦亦曰栗 用易詳解 ٤

斷木為杵掘地為白臼杵之利萬民以濟葢取諸小 重門擊析以待暴客盖取諸豫 豫備不虞之義也 震為木艮為山上動而下止杵臼之象也以小事而 則將有不測之患伏於其中故重門擊析以待暴客 豫者豫備之意天下悅豫之世尚不有以先為之防 而下動是服牛乘馬之義也牛馬之用亦隨其物之 所宜而已何必拘哉故取諸隨 日人と言語

下古穴居而野處後世聖人易之以宮室上棟下字以待風 **程木為弘則木為矢弧矢之利以威天下益取諸睽** 雨蓋取諸大壯 宫室以壯大為貴故上棟下宇有取于大壯蕭何曰 而弗合然後威以服之故其卦亦有張弘説弘之義 上離下兒離有兵革之象弧矢亦兵器也天下乖離 利天下盖取諸此 天子以四海為家非壯麗无以示威 用易详野

上古結絕而治後世聖人易之以書契百官以治萬 銀定四庫全書 以察益取諸夫 數後世聖人易之以棺槨葢取諸大過 聖人取之 夬決爭訟者待書契而後决之也 /葬者厚衣之以新葬之中野不封不樹喪期 无 此章言聖人之制器尚象事 有木棺椁之象也送死事之大者也雖過 卷十五

陽卦多陰陰卦多陽其故何也陽卦竒陰卦耦其德行 之動者也是故古山生而悔各著也 是故易者象也象也者像也柔者材也及也者效天下 者所以統論一卦之材而及者各隨其文之動而做 **效之者也此三者備而吉凶以之生悔各以之著悔** 各本微故以著稱之 易之卦本取乎象而象者因其形體而像之者也象 此章言爻象彖之異 川易詳解

之道也 何也陽一君而二民君子之道也陰二君而一民小人 到好四库全書 治民民以衆而奉君此天下之所以治也尚君多而 **德行之所以為不同也夫陽為君陰為民君以一而** 民少則相陵而无以相統豈不為天下之亂乎故 陽獨竒陰卦二陽相耦而一陰亦自為耦竒耦之異 兄也皆一陰而二陽是陰卦也陽卦二陰相耦而 震也坎也良也皆一陽而二陰是陽卦也巽也離也

钦定四車全書 往則日來日月相推而明生馬寒往則暑來暑往則 歸而殊塗一致而百慮天下何思何慮日往則月來月 而利生馬尺蠖之屈以求信也龍蛇之盤以存身也 易日憧憧往來朋從爾思子曰天下何思何處天下同 來寒暑相推而歲成馬往者屈也來者信也屈信相感 道以其逆也此所以貴陽而賤陰也 君二民為君子之道以其順也二君一民為小人之 此章論陰陽奇耦之異 27.0 

**營哉萬物之變彼此之交途雖殊而可以同其所歸 慮雖百而可以一其所致其自然相感盖不待乎思** 之所不及則有所不應也且天下果何思何慮之營 **明則有所不從也其所應者惟思之所及者而已思** 往來之間以是為感則其所從者獨吾朋而已非其 亦莫不有思思以心之交於物而動焉者也心交於 物物有所係則其感為不洪矣故九四之咸憧憧於 此明咸九四之義也夫思之為累大矣人莫不有心

自成寒暑亦豈有心於屈信者哉往者之屈彼自屈 益自然而然非有以使之然也天道之運日月相推 也非有以屈之也來者之信彼自信也非有以信之 中尚何思慮之有乎天下之理惟无心於物者為能 而明自生日月豈有心於往來者哉寒暑相推而歲 應物而不滯於物夫物理之相感其往來屈信之際 遂通天下之故夫寂然不動而感通之妙自存乎其 **愿而後能得也故曰无思也无為也寂然不動感而** 

於定四車全書 一

1.月月日 1.月月

之或知也窮神知化徳之感也 精義入神以致用也利用安身以崇徳也過此以往未 往來紛紜在我者愈勞而物之應我者愈狹此九四 非欲存其身也而自存物理之相感自然而然不容 乎生尺蠖之屈初非欲求信也而自信龍蛇之藝初 也屈者之必信而信者之必屈相感相應而利於是 之咸聖人所以小之也 偽也而奈何以有思惟之心求之乎一涉於有思則

シュージュー 一間 義利用容可以智力加意於其間自此已往而至於 之事也天學者盡性之事也方學之未離乎人則精 用以安其身宜若信矣然乃所以為入而崇德之資 修為之序也夫學有二有人學有天學人學者窮理 内外文相養、而君子之學日益而不已矣雖然此特 宜若屈矣然乃所以為出而致用之本利其所致之 然之幾也夫直積力久則入精研其義以至於入神 因言屈伸往來之理而又推以言道學之序亦有自 用易詳解

死期將至妻其可得見邪 所因而因馬名必辱非所據而據馬身必危既辱且危 易曰困于石據于蒺藜入于其宫不見其妻凶子曰非 營也哉 利用者學之涉於有心者也窮神知化者學之進於 无心者也學而進於无心則天矣而尚何思應之營 天則何所用其力哉故始於可知而終於无知則足 以窮无方之神知變化之妙而為徳之盛矣故精義

多分四月全書

也弓矢者器也射之者人也君子藏器於身待時而動 という 101 とはつ 何不利之有動而不括是以出而有獲語成器而動者 易曰公用射隼于高墉之上獲之无不利子曰隼者禽 而不自知此崔武子之所以死而不悟也 得見邪小人行險僥倖自陷於危困之地方且恬然 此因六三之義也非所因而困非所據而據進退俱 困者也進退俱困名辱身危身且不能自保妻其可 用易詳解 +=

子曰小人不恥不仁不畏不義不見利不勸不威不懲 金分四月月十 也既有利用之器又乗有為之時是以動而无結括 必用君子无所茍而已矣 者哉成器而後動器在我動在時養其可用以待其 之爱出而有必獲之利君子如此是宣僥倖於萬一 其人而无其器不足用也有其器而非其時不可為 所以濟難者必有其罷而所以用器者必有其時有 此解上六之義解之世君子大有為之世也君子之

钦定四事全書 ~ 小懲而大誠此小人之福也易曰屢校滅趾无咎此之 **積而不可掩罪大而不可解易曰何校滅耳凶** 謂也善不積不足以成名惡不積不足以滅身小人以 小善為无益而弗為也以小惡為无傷而弗去也故惡 長惡不悛尚何及哉 自新故无各何校滅耳稔其惡也稔其惡而治之則 无及故至于凶小人之為不善尚不懲之于初待其 此噬嗑初上之義也屢校滅趾疾其始也可以使之 5. 月 日 日 日 日 日 解 **十**四

子曰徳薄而位尊知小而謀大力小而任重鮮不及矣 是以身安而國家可保也易曰其亡其亡繁于苞桑 者也是故君子安而不忘危存而不忘亡治而不忘亂 子曰危者安其位者也亡者保其存者也亂者有其治 "此否九五之義也否之九五反否為泰之時也反否 者也聖人之為天下後世保治之戒深矣 其亡之戒馬其亡其亡再言之者憂之深而謹之至 為泰宜若可以少安矣而君子於此凛凛然有其亡

易曰鼎折足覆公餗其形渥凶言不勝其任也 其任以覆公録其凶也宜哉无其德而居其位此易 鼎足承君鼎而至于折足則不勝其任可知矣不勝 此鼎九四之義也四居大臣之位公輔之任也三公

易日介于石不終日貞吉介如石馬寧用終日斷可識 我者動之微古之先見者也君子見幾而作不俟終日 飲定四車全書 N 子曰知幾其神乎君子上交不諂下交不瀆其知幾乎 人月見詳解 <u>+</u>

之所深戒也

矣君子知微知彰知柔知剛萬夫之望 幾而作而不俟終日也盖惟天下之至静者為能見 其未為其見固已先定矣故有所不動動則必不終 動之微而知幾之至故知柔之必剛知微之必彰方 不讀而獨安于至静之地介然如石之堅是以能見 日豈非不為之中乃所以為有為之地也耶此知幾 則為諂下交于初則為瀆二惟其以中正自守不諂 此豫六二之義也二介居于初與三之間上交于三

曾復行也易曰不遠復无祗悔元古 子曰颜氏之子其殆庶幾乎有不善未嘗不知知之未 其神乎夫子所以樂道之也 此復初九之義也顏子之好學以不貳過為本而其 之復也雖然聖人无復而顏子未免于有所復聖人 无不善而顏子未免于有不善其亦未達一間也夫 不貳過以克已為本惟能克已則私无自而生此所 以有不善未嘗不知知之未嘗復行而有合于不遠 用易拌虾

·求君子修此三者故全也危以動則民不與也懼以語 子曰君子安其身而後動易其心而後語定其交而後 天地網縕萬物化醇男女構精萬物化生易曰三人行 銀定匹庫全書 則損一人一人行則得其友言致一也 行則有所得一之為用雖天地造化猶將賴之而况 男女致一故化生是以以三而行則有所損以一而 此损六三之義也絪縕密結之狀天地致一故化醇 于人乎

至矣易曰莫益之或擊之立心勿恒凶 則民不應也无交而求則民不與也莫之與則傷之者 者矣上九立心无恒而求益太過是以莫益之或擊 下之益而徒有求益之心则物莫之與而或有傷之 无不得皆吾有以致之也尚其不然在我无以受天 從易其心而後語則語无不應定其交而後求則求 以受之在物有以與之故安其身而後動則動无不 此益上九之義也損益之來皆吾所自取也在我有

子曰乾坤其易之門邪乾陽物也坤陰物也陰陽合德 欽定四庫全書 而剛柔有體以體天地之撰以通神明之德 也乾坤即易而易即乾坤故乾坤毀則无以見易易 不可見則乾坤亦幾息矣是易與乾坤盖同體而異 呼是未知乾坤之為大馬者也夫易與乾坤非兩物 說者謂觀易必自乾坤始易猶室也乾坤猶門也鳴 之聖人以為自取之咎也 此章釋卦爻之義與上繫同

A CANDING LINE 有一 豈不能通之乎論至于此則乾坤之大謂之非易則 明之徳盖陰陽變通則天地之撰即我之撰也而豈 也陰陽合德故能體天地之撰剛柔有體故能通神 不能體之乎剛柔相推則神明之德即我之德也而 又曰陰陽曰剛柔何也陰陽者其德也剛柔者其體 **闔户謂之坤闢户謂之乾一闔一闢謂之變夫以其** 名者也然則謂易之門者其往來闔闢之機乎故曰 一闔一關之變是以謂之門也雖然既曰乾坤而 旧易詳解

其稱名也雜而不越于稽其類其衰世之意邪 金人巴西有言 天易彰社而察來而微顯 闡幽開而當名辨物正言斷 條理而不亂故雜而不越然稽其義類則非上古之 六十四卦參錯而不齊而皆不出乎陰陽之數則有 時所為也盖上古之時淳厚未離聖人之制作亦簡 不可也乃造化作用之妙宜深味之 **各而未備至于後世憂患愈極而制作愈詳所謂衰** 世之意者其文王與紂之時乎

言曲而中其事肆而隱因貳以濟民行以明失得之報 辭則備矣其稱名也小其取類也大其肯遠其辭文其 義聖人之所以為是變化周流不拘于一者盖因其 觀其言雖委曲而各中其理其事雖放肆而實隱其 其取象則甚大其肯意雖遠而其言辭則甚文而可 微之幽者闡之開而當其名辨其物正其言凡見之 于斷辭之間者盖无一而不備也故其稱名雖小而 易之為用大矣已往者則彰之未來者則察之顯者

大子り事人

用易詳解

金八口石八四 其與春秋之書異經而同指乎春秋之稱微而顯婉 不厭也學者欲觀聖人之書不可以不明聖人之心 而成章盡而不汙宜若不可擬議者矣而其大綱則 有疑贰之爱以濟民行示之以吉凶以明失得之報 聖人憂世之慮盖于此而後可見也然則易之為書 以見之于書者惟恐其有所不盡此其所以諄複而 不過以懲惡勸善為本盖聖人憂世之念切于中是 此章因論乾坤而遂及易之為書其妙如此

たいういろい 巽徳之制也 也損徳之修也益徳之裕也困徳之辨也井徳之地也 是故履徳之基也謙徳之柄也復徳之本也恒徳之固 易之興也其於中古乎作易者其有憂患乎 是九卦者聖人處憂患之世所以為反身修徳之要 與于中古也 文王遭羑里之變重六爻作彖辭而易道復興故曰 易始于伏羲而曰興于中古者夏商之末易道中 用易詳解

金分世月五十 损益之道行馬夫如是則處困窮之際而能致其辨 也則又懲忿室欲以修其身遷善改過以長其善而 推養人之患而不遷其所行異順之道而能致其宜 離乎外故復為徳之本既復其性矣而无以守之則 之柄所以持之也既立而持矣然不復其性則循未 者也而各有其序馬盖不學禮无以立故履為徳之 復者有時而失故恒為徳之固既固矣懼其不能常 基所以立之也持滿者有道必守之以讓故源為德

稱而隱 難而後易益長裕而不設困窮而通井居其所而選異 履和而至謙尊而光復小而辨于物恒雜而不厭損先 也復雖微而不亂于物恒雖雜而不厭乎人損先難 禮之用和為貴先王之道斯為美此履所以和而至 也自下者人高之自後者人先之此謙所以尊而光 而後易欲其无所尚也益長裕而不設貴乎无所作 矣以此而處憂患豈不綽綽然有餘裕哉 旧易詳解

以與利因以寡怨井以辨義異以行權 履以和行謙以制禮復以自知恒以一德損以遠害益 金兵匹母全書 所求故辨義異以順而能入故行權上言九卦之德 故遠害益以益人故與利因而能安故寡怨井隨物 制禮復以反本故自知恒則日新故一徳損以自損 物之宜而晦其用此又申明九卦之義也 也困雖身窮而道益亨井雖不改而利无窮異能稱 行以同人為貴故履以和行禮以自卑為本故詞以

てんとうころ しまっ 度外內使知懼又明於憂患與故无有師保如臨父母 上下无常剛柔相易不可為典要唯變所適其出入以 初率其解而揆其方既有典常尚非其人道不虚行 易之為書也不可遠為道也屢遷變動不居周流六虚 其書也盖易之道雖妙乎不一而實歸于至一不 易不可須史離也其不可須史離者以其道也非以 此又言九卦之用也 此章三陳九卦以明聖人處憂患之道 用易祥解

多次匹庫在書 □ 若師保父母之臨乎其前而不敢失墜率其群以度 不過使之知所憂懼明憂患變故之端使人兢兢常 世之心觀之則其出入也不遇示以法度其外內也 其應世之用觀之則易之為道推遷而不一變動而 者聖人應世之用而至一者聖人憂世之心也故自 其義則前之所謂不可為典要者盖有典常存馬是不 不居周流于六位之中或上或下之无常一剛一柔 之相易宜若不可為典要而唯變所適矣然自其爱

吉山則居可知矣知者觀其象解則思過半矣二與四 たとりしいこう 夫雜物撰德辨是與非則非其中及不備噫亦要存亡 也其初難知其上易知本末也初辭擬之卒成之終若 易之為書也原始要終以為質也六爻相雜唯其時物 **尚非其人则易之道宣可虚行也哉** 者乃所以為至一之歸者也然神明之則存乎人 憂患而已 此章論易道之大雖曰无常而要其歸不過同民 用易詳解 Ī

金少巴四石 三多凸五多功贵贱之等也其柔危其剛勝耶 不利遠者其要无咎其用柔中也三與五同功而異位 同功而異位其善不同二多譽四多懼近也柔之為道 事已成故為易知惟其介乎始終之間辨其是與非 與物然也卦有六爻爻各有位而初上无位初在一 也六久之用有陰有陽因其相雜以求其宜是其時 卦之下擬議而未次故其解難知上居一卦之終其 卦之中有始有然原其始以要其終是其體質然 卷十五

欠とりしたという 陰之偏故謂之不正是以二與四同功而異位二中 位則有偏正之異此又四位之所以為不同者也盖 **乾无一坤无六惟四位為之用五居陽之中故為正** 者尚非中爻则有所不備此中爻之所以有四位也 而四偏也二惟其中故上應于君則多譽四惟其偏 三居陽之偏故為不正二居陰之中故謂之正四居 卦之體可見矣盖一卦之體備始終之全而六爻之 故要其吉凶存亡則所居之位可知矣觀象雜則

用易詳解

盂

金分四月八十日 非以其偏正之不同也哉雖然此特論其多者兩若 則勝其任矣然則二四三五所以同功而異位者豈 之别也然三五至剛之位以柔居之則危以剛居之 功三惟其不正故重剛不中而多凶蓋其位有貴賤 而異位五位正而三不正也五惟其正故得位而多 乎遠然二所以无咎者以其得乎中也三與五同功 故偪近于君則多懼二者皆陰位也柔之為道不利 夫變而通之則有不可執一拘者如屯之初九頭之

生馬 人工可能人子 故曰爻爻有等故曰物物相雜故曰文文不當故古凶 易之為書也廣大悉備有天道 馬有人道馬有地道馬魚 三才而雨之故六六者非他也三才之道也道有變動 易之為書廣大悉備无所不有在天則有天之道在 可以此論也 上九謜之九三小畜之六四皆為一卦之主是又不 此章專辨六爻之位惟以二五為得其正云 用易詳解

有所不當其位而吉凶生馬引而伸之觸類而長之 有貴賤之等而時物于是乎著剛柔相錯而為文文 流而无窮矣故道有變通之用而六爻于是乎生爻 未始不一也故易之為書其始三畫而已重其三而 上為天六畫既分而三才之道備而易于是乎始問 雨之于是有六畫馬初與二為地三與四為人五與 名其道一而見之于所得者天地人各有不同然亦 地則有地之道在人則有人之道是三者同出而異

金分四月石書

、 て、 丁、 ノ、 」、 事邪是故其辭危危者使平易者使傾其道甚大百物 易之與也其當殷之末世周之盛德邪當文王與紂之 不廢懼以終始其要无咎此之謂易之道也 内文明而外柔順以蒙大難此文王之所以為明夷 所謂廣大悉備者盡在是矣然則易之為書自三畫 而為六畫自六畫而為吉凶悔吝之變豈非自微而 至著皆自然之理耶 此章論易無三才之道故廣失如此 川易詳解

夫乾天下之至健也徳行恒易以知險夫坤天下之至 多分四月全書 在所不廢懼之於終始之幾使之安不忘危以歸于 則使之傾側則其道甚大无所不有雖百物之微亦 者也當紂之衰減天理而窮人欲以文王之盛徳猶 无各此易之道所以為憂世而作也 惟其有憂患故其辭危危懼者則使之平安慢易者 不免有美里之拘則易之與也豈非有爱患而然哉 此章論文王作易之意

象事知器占事知來 順也德行恒簡以知阻能說諸心能研諸候之處定天 下之吉凶成天下之亹亹者是故變化云為吉事有祥 こううしょう 能通天下之變而居天下之安者為能慮天下之危 之勝負而袖手旁觀者常得之盖處天下之常者為 險阻者患難之地也當患難之際必先自處于平易 之曲折而水濱立觀者常見之实基者常患不知基 之地而後可以應酬而不亂操舟者常患不見水道 用易詳解

金灰四届全書 常以易知故能知天下之險坤雖為天下之至順而 為吾之累乎是故易簡而天下之理得故能說之于 物吾自處于平安无事之地則夫患難之來豈足以 其德常以簡能故能知天下之阻易簡在我險阻在 是亦理之必然者也故乾雖為天下之至健而其徒 為之用也是故變化云為不拘于一以善事謀之則 下之吉凶成天下之亹亹者皆自乎易簡之徳有以 心而心无不應研之于慮而慮无不獲凡所以定天

シャンカー ノント 天地設位聖人成能人謀鬼謀百姓與能 以與其能是天地无能而聖人成能聖人不自用其 果有能乎哉謀之于人謀之于鬼雖百姓之愚皆得 能事也故天地設位而成能必頼手聖人然聖人豈 何所往而不可為也哉 有体祥之應以象事觀之則有可見之迹以疑事 之則知未來之理盖其先以易簡為徳則天下之事 天地无全功惟聖人有以全其功聖人之功聖人之 用易详解

相得則凶或害之悔且吝 相取而悔吝生情僞相感而利害生凡易之情近而不 動以利言吉凶以情遷是故愛惡相攻而吉凶生遠近 八卦以象告爻彖以情言剛柔雜居而吉凶可見矣變 爻象以情言情之未動者也吉凶以情逻情之既動 能而因天下之能以為能者也故曰謀及乃心謀及 **卿士謀及庶人謀及卜筮然則所謂卿士卜筮者其** 人謀鬼謀之謂而所謂庶人者其百姓與能者乎

金万四月全書

· 將叛者其辭慙中心疑者其辭枝吉人之解寡躁人之 こうしている **辟多誣善之人其辭游失其守者其辭屈** 卦爻之辭亦猶是也將叛者其中忸怩而不能自安 言さ 言其利情偽相感而利害生雜乎偽也故以利害魚 凶有相反之異屈伸相感而利生感之以情也故止 者也情之未動在文象有一定之體情之既動故古 如同人之九三伏戎于莽升其禹陵三歳不與是解 月易詳解 Ĺ

金灰四峰全書 闚其户與其无人三歳不覿凶是辭之多者也誣人 鬼一車之類非辭之游乎自失所守則其辭畏縮而 之善則其辭浮游而无圭如睽之上九見豕覓塗載 者也吉善之人内足而不求多言故其辭寡如大有 之上九旬天祐之吉无不利是辭之寡者也躁動之 如睽之六三見與曳其牛掣其人天且劓是辭之枝 之慙者也中心疑者所見不能以自一故其解支離 人好進不已故其辭多如豐之上六豐其屋蔀其家

**设定四車全書** 自卦爻之辭觀之則人之辭亦可知矣 不能自立如異之九二上九異在牀下非辭之屈乎 此章因論乾坤易簡之徳而泛及及象卦群之 用易詳解

Treat . married			Matterson and		
	T.			1	1
					1 1
					] ]
273(1)		-			

KEDEL STORE 道德而理於義窮理盡性以至於命 昔者聖人之作易也幽贊於神明而生著參天兩地而 説卦傳 欽定四庫全書 倚數觀變於陰陽而立卦發揮於剛柔而生爻和順於 問馬以言而受命如響著之為用由是而愈神此 生著非謂著草之生也聖人有以點相神明之妙故 用易詳解卷十六 用易詳解 李杷 撰

取于着數卦交而已哉盖將示天下後世以道德性 之變而卦以之立發揮剛柔之用而及以之生此皆 命之學爾盖道德性命人人具足而不知故聖人作 聖人所以作易之妙也雖然聖人之作易也豈徒有 參兩之數相倚而生是數之所由起也于是觀陰陽 兩得六而乾坤以成坤包于乾六無于九天九地六 所謂生著也參天謂九也兩地謂六也太極未分函 三為一一既生三三三為九九為乾元用數畫開成

金少口四百百言

大王可斯人品 地萬物之理以盡巳之性盡巳之性以盡人物之性 得其宜故里人係理以通之使之處事而各當人莫 有道德也而常患乎乖離而弗合故聖人和而順之 故易之未作天下具是理而不能自知易之既作 而後至于天道之命此豈非聖人作易之極功乎是 不有性命也而常患日用而不知故聖人使之窮天 易而還以尊之益將以足其所不足者也故人莫不 使之圓融而為一人莫不有義也而常患乎用之不 用易拌解

昔者聖人之作易也將以順性命之理是以立天之道 三才而兩之故易六畫而成卦分陰分陽迭用柔剛故 曰陰與陽立地之道曰柔與剛立人之道曰仁與義煎 金ガルルカノコー 虚而運其實聖人之憂天下後世亦仁矣哉 用而不知乃所以為道德性命之本也是故著數卦 爻以實用道德性命以虚用因其實以致其虚即其 下得是理而有以自足人皆知蓍數卦爻為卜筮之 此章論聖人作易以示天下性命之學 表十六

久足四年全島 易六位而成章 者柔剛之用也是三者同出而異名謂之性命之理 未曾无陰陽而以柔剛為主人之道亦未當无陰陽 柔剛也而必專言仁義益柔剛者陰陽之德而仁義 已矣故天之道未嘗无柔剛而以陰陽為主地之道 者之于道天地人各隨其所得而其為性命則一而 之理未有外乎陰陽者也曰陰陽曰柔剛曰仁義三 一陰一陽之謂道繼之者善也成之者性也是性命 用易祥解

金ガロ人といる 陰陽之體可以無三才之道自聖人之作易觀之則 之作易亦豈外於陰陽哉是故自性命之理觀之則 文既備于是分陰分陽或以陰而用剛或以陽而用 重而兩之六畫具而後一卦之體始成五六為天三 柔錯綜于六位之間而後燦然之文始著然則聖人 四為人初二為地是三才之成數至此而後備也六 其實一也方聖人作易之初不過三畫而已三畫者 天地人之生數也然雖有生數而未足以成卦故必

人の一回 とこう 數往者順知來者逆是故易逆數也 天地定位山澤通氣雷風相薄水火不相射八卦相錯 歷離兄以至于乾數已生之卦也自異而歷坎良以 而成六十四卦所謂先天之學也先天之數起震而 東南震居東北巽居西南艮居西北於是八卦相交 邵氏曰此伏義八卦之位乾南坤北離東坎西兄居 陰陽之用可以通六爻之變 此章始終備言之 月易詳解

以說之或以君之坤以藏之 雷以動之風以散之雨以潤之日以煩之艮以止之兒 益易之數順而數之則易窮逆而數之則无盡惟其 雷之動風之散雨之潤日之烜艮之止兑之説六者 逆故生生而不窮是豈可以形迹求之哉 至于坤推未生之卦也易之生卦則以乾一兒二離 三震四異五坎六艮七坤八為次皆以逆而數之也 章論先天八卦之位

金分四月石書

乾勞乎坎成言乎良 帝出乎震齊乎異相見乎離致役乎坤説言乎允戰乎 ていている へんれ 帝者天之主宰之神也邵氏曰此卦位乃文王所定 置就于西北退坤于西南乾統三男而長子用事坤 子者以有為為用者也 坤不過退藏其用而已葢乾坤以无為為用者也六 生物之功亦大矣而乾不過為之土宰以君之而已 此章論先天八卦之用其卦位相對與上章同 用易詳解

之潔齊也離也者明也萬物皆相見南方之卦也聖人 萬物出乎震震東方也齊乎異異東南也齊也者言萬物 块者水也正北方之卦也 勞卦也萬物之所歸也故曰 故曰説言乎冤戰乎乾乾西北之卦也言陰陽相薄也 南面而聽天下嚮明而治益取諸此也坤也者地也萬 物皆致養馬故曰致役乎坤名正秋也萬物之所説也 正之位所謂後天之學也 統三女而長女代母坎離得位而名震為偶以應四

對分四四百五十二

とこり見んぶう 勞乎坎良東北之卦也萬物之所成終而所成始也故 口成言乎艮 見冤與離之无非正也此互言之也冤與艮加言字 見坤之大而形乾之為天也坎與冤加正字者亦以 言東北異言東南乾言西北西坤獨曰地又何也言 之東離之南坎之北皆稱方而名獨曰正秋何也艮 此釋前八卦之義也正位稱其方四維言其位然震 **究之秋 所以見四方之皆係乎四時言坤之地所以** 川易詳解

金与口母不言 得正秋而萬寳成此所以説也紀既説矣然而戰乎 莫威于此時者也萬物之盛必有以養之故致役乎 皆相見雖聖人亦取乎此以總明而治盖萬物之盛 者名為毀折疑其不說故言其說艮止萬物疑其不 坤而物皆得其養馬物得其養則說故說言乎紀兌 于震至異而畢達有齊一之功至于離明之地萬物 乾何也乾居亥亥坤之位也坤之上六復而為乾之! 能成故言其成此異而言之也帝自震出萬物皆起

ALAUGT AND AIRLAND 震以出之良以止之其造化无窮之妙乎故首以帝 之主宰言之 體而無得之者也然則八卦之用始于震而終于艮 寅為震玖者物之終震者物之始而艮實其生成之 成終成始于良何也益良介居于丑寅之間丑為坎 之勞卦也萬物歸藏于坎則既有所終矣而曰萬物 初九陰陽相薄而至于戰故日龍戰于野是也至于 **块則萬物之所歸陰陽始復營為而不息此所以謂** 用易料解

物也 神也者妙萬物而為言者也動萬物者莫疾乎雷提萬 水火相逮雷風不相悖山澤通氣然後能變化既成萬 澤潤萬物者莫潤乎水終萬物始萬物者莫盛乎艮故 金分四月至 物者莫疾乎風燥萬物者莫熯乎火說萬物者莫說乎 則謂之帝以不可指名而言之則謂之神帝者神之 用而神者帝之无為者也葢乾坤致用則帝以有為 此之所謂神即前之所謂帝也以其所主宰而言之

久足四重全馬 之成之者可名而乾坤之妙則不可得而名也以其 物以火潤萬物以水水火可知而乾坤之妙則不可 者莫若風雷風可見而乾坤之妙則不可見也燥萬 知說萬物者莫說乎澤終始萬物者莫磁乎良其說 所以為難名者也益鼓舞萬物者莫若雷撓動萬物 為功敢神退藏則神以藏用為密夫神本不可言也 爾故乾坤退居于不用之地而以六子為用是神之 而至于有言者亦不過即其妙于萬物者而强名之

川易詳解

金グロルノニー 用夫是以變化无窮而萬物各効其成非神之所為 相逮雷風不相悖山澤亦以氣而相通六子各致其 風相薄則相害故必不相悖而後无相害之義水火 相射則不能相生故至于相逮而後有相生之理雷 何也前言六子之性而此言六子之用也夫水火不 火不相射而此言相逮前言雷風相溝而此言不相悖 不可見不可知不可名非神其孰能與此哉前言水 誰為之乎 卷十六

次至四重全等 紀説也 乾健也坤順也震動也異入也坎陷也離麗也良止也! 陽卦先動而後静陰卦先静而後動其體然也 陰而靜者也離之麗兌之說是皆得乎陰而動者也 止是皆得乎陽而静者也坤之順異之入是皆得乎 乾之健震之動是皆得乎陽而動者也坎之陷良之 歸之于神 此章言後天八卦之位而因論六子致用之功而 川易詳剛

**名為口** 乾為馬坤為牛震為龍巽為雞坎為豕離為雉民為狗 乾天也故稱乎父坤地也故稱乎母震一索而得男故 乾為首坤為腹震為足異為股坎為耳離為目艮為手 兒為羊 此近取諸身之象 此遠取諸物之義 此章言八卦之性情 卷十 六

金ラドルと言

敌謂之中男離再索而得女故謂之中女艮三索而得 男故謂之少男允三索而得女故謂之少女 于乾而為離乾之三文三交于坤而為艮坤之三文三交 故 乾之初交一交于坤而為震坤之初爻一交于乾 索交也乾坤雖為父母然而不交則六子无自而生 于乾而為兄敢坤交而六子生益自然之理以氣相 而為異乾之二爻再交于坤而為坎坤之二爻再交 司马半坪

謂之長男異一索而得女故謂之長女坎再索而得男

良馬為老馬為齊馬為駁馬為木果 乾為天為園為君為父為玉為金為寒為水為大赤為 為文為衆為柄其於地也為黑 坤為地為母為布為釜為吝嗇為均為子母牛為大與 銀定匹庫全書 應者也故曰天地交而萬物生其斯之謂乎 色也為良馬老馬齊馬駁馬言其行也為本果言其實也 為玉為金言其剛也為寒為水言其性也為大亦言其 為天言其體也為園言其形也為君為父言其尊也

其於核也為反生其究為健為養鮮 震為雷為龍為玄黄為專為大逢為長子為決躁為蒼 **筤竹為崔章其於馬也為善鳴為馵足為作足為的颡** 則其色也 其中品物咸亨則衆之象也以其持載故為柄而黑 也无成而代有終故為吝嗇含弘光大則无不均也 地亦坤之體而母坤之道也布則能散而釜則能容 子母牛順之至也大與載之廣也黄裳元吉則文在

近利市三倍其究為躁卦 退為不果為臭其於人也為寡髮為廣額為多白眼為 巽為木為風為長女為繩直為工為白為長為髙為進 欽定匹庫全書 柔而達木也順而入風也長女其體也繩直與工木 能行者也究其極則剛健之卦也為專未詳 反生皆物之蕃鮮者也馬之善鳴馵足作足的類當馬 雷與龍取其動也玄黃陰陽之雜色也大塗則言其 行而長子則其體也決躁者性也蒼筤竹崔華稼之

くこうシンニ 盗其於木也為堅多心 心為下首為薄蹄為曳其於輿也為多青為通為月為 |慶為心病為耳痛為血卦為赤其於馬也為美脊為亟 **坎為水為溝濱為隱伏為嬌縣為弓輪其於人也為加** 水者攻之本體而溝瀆者水之所容也隱伏言其險 其極則陰而躁之卦也近利市三倍未詳 **陰柔之性也臭入也寡髮廣顯白眼躁人之象也完** 之所資也白其色也曰髙與長木之材也進退不果 旧易詳解

上稿 大腹為草卦為鼈為蟹為羸為蚌為龜其於木也為科 離為火為日為電為中女為甲胄為戈兵其於人也為 金分四库全 **象也赤其色也乾為大赤而坎乾之變也月水之精** 也加憂心病耳痛人之在患難者也周流而勞血之 也坚多心剛在内也餘皆未詳 棉言其燥也餘皆未詳 火與日與電告以其明也中女其本體也乾卦科上

為剛鹵為妾為羊 狗為鼠為點喙之屬其於木也為堅 多節 てころう しょう **究為澤為少女為巫為口舌為毀折為附決其於地也** 艮為山為徑路為小石為門闕為果旅為閣寺為指為 神而口舌所以求說于人也性柔則易以毀折而附 澤所以説物而少女則其本體也巫所以求說於鬼 也門闕止之象而果旅之實則陽在上也餘皆未詳 山者艮之體而徑路則山徑之蹊也小石者山之石 用易詳解

序卦傳 蒙蒙者蒙也物之稱也物稱不可不養也故受之以需 有天地然後萬物生馬盈天地之間者唯萬物故受之 需者飲食之道也飲食必有訟故受之以訟訟必有衆 以屯屯者盈也屯者物之始生也物生必蒙故受之以 剑穴四库全書 陰而很故為羊 于陽則必決也剛鹵近澤之地而妄則少女之類也 此章多未詳不可强通要之皆立象盡意之義

也有事而後可大故受之以臨臨者大也物大然後 故受之以隨以喜隨人者必有事故受之以蠱蠱者事 故受之以謙有大而能讓必豫故受之以豫豫必有隨 與人同者物必歸馬故受之以大有有大者不可以盈 者比也比必有所畜故受之以小畜物畜然後有禮故 可以終通故受之以否物不可以終否故受之以同人 受之以履履而泰然後安故受之以泰泰者通也物 目む半

起故受之以師師者衆也衆必有所比故受之以比比

也物不可以尚合而已故受之以賣賣者飾也致飾然 終過故受之以坎坎者陷也陷必有所麗故受之以離 妄然後可畜故受之以大畜物畜然後可養故受之以 後亨則盡矣故受之以剥剥者剥也物不可以終盡剥 觀故受之以觀可觀而後有所合故受之以噬嗑嗑者合 離者麗也 頤頤者養也不養則不可動故受之以大過物不可以 媝ç匹庫全書 窮上反下故受之以復復則不妄矣故受之以完妄有无

以家人家道窮必乖故受之以睽睽者乖也乖必有難 故受之以明夷夷者傷也傷於外者必反其家故受之 **扯物不可以終壯故受之以晉晉者進也進必有所傷** 有夫婦有夫婦然後有父子有父子然後有君臣有君 有天地然後有萬物有萬物然後有男女有男女然後 所故受之以遯遯者退也物不可以終逐故受之以大 臣然後有上下有上下然後禮義有所錯夫婦之道不 可以不久也故受之以恒恒者久也物不可以久居其 月易半阵

所遇故受之以始始者遇也物相遇而後聚故受之以 器者莫若長子故受之以震 震者動也物不可以終動 必困故受之以困困乎上者必反下故受之以井井道 萃萃者聚也聚而上者謂之升故受之以升升而不已 之以益益而不已必決故受之以夬夫者決也決必有 者緩也緩必有所失故受之以損損而不已必益故受 故受之以蹇蹇者難也物不可以終難故受之以解解 不可不革故受之以革革物者莫若鼎故受之以鼎主

**欽定匹庫全書** 

故受之以既濟物不可窮也故受之以未濟終馬 故受之以冤免者說也說而後散之故受之以終沒者 正之故受之以良良者止也物不可以終止故受之以 中孚有其信者必行之故受之以小過有過物者必濟 離也物不可以終離故受之以節節而信之故受之以 以旅旅而无所容故受之以異異者入也入而後說之 必大故受之以豐豐者大也窮大者必失其居故受之 漸漸者進也進必有所歸故受之以歸妹得其所歸者 打马半件

其一則必有其二生生而不窮者此至理之妙而聖 猶天地之有四時寒暑也天地造化之運熙然為春 自然之理易因之以為自然之序有此則必有彼有 以為是先後之次初豈以私意而强合之哉天下有 人得之以為畫卦之原者也夫易之有六十四卦是 矣而韓康伯乃謂序卦非易之臨嗚呼是徒知以淺 聖人于序卦規畫布置先後次第亦可謂曲盡其妙 近議聖人而不知其大馬者也夫聖人之于易其所

欽定四庫全書

者男女之所從生男女者夫婦之所攸正此二篇之 濟未濟益乾坤為父母之道咸恒為男女之别父母 所以始也坎離為水火之性而既濟未濟則水火之 經始于乾坤而終于坎離下經始于咸恒而終于既 莫不有其序馬令謂寒暑之相繼為非天地之妙用 且以其分上下經觀之則其他次序可以類推矣上 固不可也而謂卦之先後為非大易之縊其可乎哉 而夏繼之妻然為秋而冬繼之窮則必及往則必復

為用其言雖顯而其肯則微其迹雖粗而其義則精 是皆天地萬物自然之至理而孰謂其為非易之益 之相次或相生而相承或相反而相繼或相因而相 明人事之常下經言人事以推天理之妙聖人于始 終之際其用意亦精微矣自是推之則夫六十四卦 水火相交則為既濟水火不交則為未濟此二篇之 交與不交也乾坤退藏而不用而付正性于坎離故 所以終也上經言其體下經言其用上經言天道以

欽定匹庫全書

雜卦傳 とこう 可見とよう 屯見而不失其居 乾剛坤柔比樂師憂臨觀之義或與或求 見險而不進故磐桓利貞而不失其居 親則樂相戰則憂以我臨物曰與以物觀我曰求然 他卦非无剛柔而獨稱乾坤者剛柔之極馬者也 也哉伊川謂韓氏之言不合乎道其知之矣 卦亦互有與求之義 用易詳解

蒙雜而著 无妄災也 震起也艮止也損益盛衰之始也 軍好四月百十二 天下之至難畜者莫若乾而有以畜之者適其時也 高時也 而始盛以其益下也或曰損為益之始益為損之始 損自泰來風極而始衰以其損下也益自否來衰極 其始雖雜其終必著蓬生麻中不扶而自直

**究見而異伏也** 萃聚而升不來也 噬嗑食也賣无色也 謙輕而豫怠也 ていするとこう 易以往為進來為退升而不已往而不反也 无色者衆色之所聚也故曰白受采 災自外至故无妄 無則自處也輕豫則其為志也怠 用易詳解

隨无故也蠱則的也剝爛也復反也晉畫也明夷誅也 井通而困相遇也 **咸速也恒久也** 咸以速為用恒以久為用无心而相感故速日新而 并通而不竭困隨所遇而安 以入而伏

金云四届全章

纪陰在外為見巽陰在內為伏亦曰兌以説而見巽

離上而坎下也 子信也豐多故也親寡旅也 大有衆也同人親也革去故也鼎取新也小過過也中 海離也節止也解緩也蹇難也睽外也家人內也 否泰反其類也大肚則止逐則退也 天地相反為泰相順為否 相跳為外相親為內 豐大之世易于滿盈故多事物 无

始遇也柔遇剛也漸女歸待男行也頤養正也既濟定 需不進也訟不親也大過顛也 履不處也 小畜寡也 欽定四庫全書 本末俱弱有顛之義 畜之小故其及物也寡 水曰潤下火曰炎上 **獲以践履為義故不處** 

也歸妹女之終也未濟男之窮也夬決也剛決柔也君 道長小人道憂也 也自始以前卦皆取其反對自始而下則 **木至于極小人道憂則亡无日矣此夬之** 息者聖人傳易撮其要網而言之未盡者

		<b>銀定匹库全書</b>
		卷十六